



, yaa b tū Wēnde la b ra maan lagem-n-taar ne-A ye,  
la yembsā hake sēn zao Wēnde, yaa A ra wa tug n  
nams ned sēn ka maan lagem-n-taar ne-A baa fūl ye

Yii a Mu'aaz nengē, Wēnd yard be a yīnga, a yeelame: Mam rag n zao Nabiyaamā poorē, Wēnd puusg la A tūlgr be a yīnga, bōang zug, b sēn boon tū lfayr, tū Nabiyaamā yeele : « Mu'aaze ! Rē yīnga fo mii Wēnd hake wā sēn zao A yembsā zugu, la yembsā hake sēn zao Wēnd zug bu » ? Tū mam yeele : « Wēnd la A Tēn-tūmā, n mi rēnda ». t'a yeele : « bū f bānge tū Wēnd hake wā, yaa b tū Wēnde la b ra maan lagem-n-taar ne-A ye, la yembsā hake sēn zao Wēnde, yaa A ra wa tug n nams ned sēn ka maan lagem-n-taar ne- A baa fūl ye » Tū mam yeele : « rē yīnga, m ka na n noog nebā sūur ne rē » ? Tū Nabiyaamā yeele : « ra noog-b sūur ne rē, tū b wat n teega rēnda n bas tūmā ». [Naşun Şahihon (Gom-sikdem sēn manege)] [B zemsa taab a zugu (A Al-Buhaariy la a Muslim n reeg-a)]

Nabiyaamā, Wēnd puusg la A tūlgr be a yīnga, vēnegdame n wilgdē, Wēnd hake wā sēn be yembsā zugu, la yembsā hake sēn be Wēnd zugu, n wilgdē tū ad Wēnd hake wā sēn be yembsā zugu, yaa b tū-A A Yembr tāa, n ka maan lagem-n-taar ne-A Baa fūl ye, La ad yembsā hake sēn zao Wēnde, yaa A ra wa tug n sūbg neb nins sēn yaa Wēn-yembdbā, sēn ka maand-b lagem-n-taar ne-A wā. Rē poorē, a Mu'aaz yeelame : « Wēnd Tēn-tūma, rē yīnga, m ka na n kō nebā kiba-noogo, sēn na yūlē tū b kūdme la b noog b sūur ne Wēnd kūn-kāngā » ? Tū Nabiyaamā -Wēnd puusg la A tūlgr be a yīnga- gīdge, a sēn yēesd tū b na n wa teeg rēndā.

<https://sunnah.global/hadeeth/mos/show/65007>

